


乾隆醴泉縣志

(清)

孫星衍 纂
蔣騏昌 修



本書十四卷圖一卷，據清乾隆四十九年（一七八四）刻本影印。


禮泉境




禮泉縣境圖


禮泉縣志

之內圖




唐昭陵圖上







唐昭陵圖下



唐肅宗建陵圖



醴泉縣志序

一方之志始于越絕後有常璩華陽國志越絕先記山川城郭
 冢墓次以紀傳華陽國志則有郡縣廢置李吉甫元和郡縣志
 樂史太平寰宇記體例最善吉甫則不引古書樂史全用舊說
 尤廣異聞而有土產人物其後善者則宋敏求長安志羅願新
 安志等關中地太物博宜有善志而世所傳康海武功志韓邦
 靖朝邑志皆以意排纂漫無體例由明世書傳少出學士大夫
 爭以空言相尚不重舊聞無足怪焉醴泉漢為谷口後漢至晉
 則入池陽池陽又兼今涇陽縣地舊之作志疆域不分則故寔
 雜則又昭陵陪葬凡百其人文獻通考及昭陵圖長安志等傳
 寫名字尚有烏焉何况俗志古時金石凡有百通存者不下數
 十好古之士不由親歷考訂亦難于是縣之士民懼舊典之佚
 堅喜新政之可記請修志乘以示將來蔣令騏昌申上其事于
 嘉兩許之古之大夫誦詩授政是以登高能賦遇物能名觀今
 志所採有唐會要新舊唐書十七史地志李吉甫杜佑樂史等
 志前之作者皆未之及也若昭陵在縣境予向請
 帑修葺又飭常加築護具有石碣建立碑亭近又東西豎碑紀
 列所存名位及志冢墓丈尺將使後人守而勿壞予與蔣令皆
 有勞焉尤為政之急務惡可以不志與乾隆癸卯春日兵部待
 郎兼都察院右副都御史巡撫陝西西安等處地方
 兼理糧餉加五級畢沅序于終南仙館

醴泉志目錄

- 卷第一 縣屬一 鄉屬二
- 卷第二 山屬三 水屬四 水利五
- 卷第三 陵墓六
- 卷第四 廟屬七
- 卷第五 官屬表八
- 卷第六 戶口賦稅九
- 卷第七 學校十 兵十一
- 卷第八 閭人十二
- 卷第九 列女十三
- 卷第十 科貢等表十四
- 卷第十一 金石十五
- 卷第十二

卷第十六

卷第十三

藝文十七

卷第十四

序錄十八

圖八章

醴泉縣志卷第一

醴泉縣知縣蔣琪昌

陽湖孫星衍

同撰

縣屬第一

醴泉縣隋置古寒門地

封禪書云公孫卿曰黃帝接萬靈明廷明廷者甘泉也所謂

寒門者谷口也寒徐廣曰一作塞

服虔漢書注云黃帝升仙之處也顏師古云仲山之北寒涼

故謂此谷為寒門也

周曰焦穫

詩六月云獫狁匪茹整居焦穫傳云焦穫周地接于獫狁者

爾雅十藪云周有焦穫郭璞云穫音護今本爾雅此二字而字作護據文選注

增今扶風池陽縣中是也

括地志云焦穫藪亦名瓠中在涇陽北城外見史記正義

秦曰谷口亦曰瓠口

戰國策云范雎說秦王曰大王之國北有甘泉谷口

河渠書云水工鄭國鑿涇水自仲山西邸瓠口為渠

水經注云渠首上承涇水於仲山西邸瓠口所謂瓠中也爾

雅以為周焦穫矣

括地志云按九峻山中山西謂之谷口即古寒門也在雍州

醴泉縣東北四十里見史記正義

顏師古注漢書云谷口仲山之谷口也漢遂為縣今呼之治

谷是也

史記索隱云瓠口即谷口郊祀志所謂寒門谷口是也與池

陽相近

四夷郡縣道記云九峻山東連仲山西當涇水出處故謂之谷口見太平寰宇記

太平寰宇記云水經注九峻山東仲山西謂之谷口即寒門也指謂此耳今按雲陽治谷水所出亦謂之谷口

李好文長安圖說云洪口即谷口也前代已有是名方言云石阻河流為洪又蜀人謂水口為洪今縣有射洪徐有呂果

洪義與此同

舊志云谷口在縣東北七十里洪口堰在縣東北六十里

星衍按谷口後亦曰洪口寒門亦曰洪門寒獲瓠谷洪五聲皆相近

驍昌按長安志引雲陽宮記曰治谷去雲陽宮八十里封禪

書所謂谷口是也漢唐雲陽是今淳化縣南與醴泉為界故

治谷水涇水所出之處俱得謂之谷口也

漢置谷口縣屬左馮翊為劇縣莽曰谷味

史記年表大事記云孝文後元三年置谷口邑

班固地理志左馮翊縣有谷口莽曰谷味

游俠傳云原涉為大司徒史丹舉能治劇為谷口令

通典云醴泉漢谷口地

元和郡縣志云醴泉縣本漢谷口縣地

後漢并池陽縣

司馬彪郡國志左馮翊縣有池陽

元和郡縣志云谷口縣後漢又為池陽縣

星衍按許君說文解字有云馮翊谷口者据前漢地理而言

又按郡國志曰凡前志有縣名今所不載者皆世祖所并省也

魏因之

長安志云谷口縣魏為池陽縣

驍昌按元和郡縣志太平寰宇記但云後漢及晉為池陽不言魏是其疏

言魏是其疏

晉屬京兆後屬扶風為郡治

沈約州郡志云池陽晉太康地志屬京兆僑立亦屬京兆

晉書地理志扶風郡縣有池陽

載紀云永嘉四年劉曜攻陷池陽

元和郡縣志云醴泉縣漢谷口縣地晉為池陽縣

宋僑郡屬雍州後屬新野太守

沈約州郡志云雍州僑郡永初郡國有池陽

又池陽合屬新野太守孝明中土斷又屬此

驍昌按後漢魏晉宋池陽縣兼今涇陽三原二縣地醴泉其

東境

後魏改寧夷縣屬咸陽郡

地形志咸陽郡縣有寧夷

隋地理志云醴泉後魏曰寧夷

元和郡縣志云池陽縣後魏改為寧夷縣

長安志云後魏武帝于谷口置溫秀寧夷二護軍改池陽為

寧夷縣隸咸陽郡

西魏置寧夷郡

隋地理志云醴泉西魏置寧夷郡

長安志云云同

周曰秦郡後廢亦新時甘泉二縣地

隋地理志云醴泉縣後周改為秦郡後廢又以新時甘泉二縣入焉

長安志云寧夷郡後別改為寧秦郡

驛昌按長安志則隋志脫寧字

隋改寧夷曰醴泉初屬雍州後屬京兆郡

隋地理志京兆郡縣有醴泉云後魏曰寧夷開皇十八年改

縣名醴泉

元和郡縣志云寧夷縣隋開皇十八年改為醴泉縣以縣界

有周醴泉宮因以為名

劉昫唐書地理志云醴泉隋寧夷縣後廢

太平寰宇記云云同

長安志云隋改寧夷縣為醴泉縣京兆郡以縣界有漢醴

泉宮因以為名方輿記曰漢宣帝時開泉味如酒故以名縣

亦漢宮之名也

驛昌按開皇三年廢京兆尹置雍州煬帝改為京兆郡是此

縣先屬州後改郡又按隋縣即唐治

星衍按漢醴泉宮云云宋敏求及方輿記皆誤周為漢元和

郡縣圖志太平寰宇記並云以周醴泉宮名循檢書傳漢時

無醴泉宮也漢宣帝嘗為周宣帝太平寰宇記又曰永壽縣

醴泉苑在縣東北十里并宮並周所立是已

唐武德元年仍屬雍州析置溫秀縣

劉昫唐書地理志云武德元年分醴泉置溫秀縣

驛昌按魏王泰括地志有云雍州醴泉縣者據武德時言之

二年分置好時縣

劉昫唐書地理志云武德二年分醴泉置好時縣

驛昌按好時今乾州自唐以前醴泉兼今乾州境自此以後

始如今縣境也

廢

長安志武德元年析置溫秀縣後省醴泉新唐書地理志云

云同

三年分始平縣復置屬雍州

劉昫唐書地理志云武德三年分始平置醴泉縣

星衍按新唐書地理志醴泉下闕載是其疏

貞觀十年復析雲陽咸陽二縣以為縣境

劉昫唐書云貞觀十年置昭陵于九峻山因析雲陽咸陽二

縣置醴泉縣

長安志云貞觀十年營昭陵析雲陽咸陽二縣復置醴泉縣

新唐書地理志云云同

驛昌按劉昫既云武德三年分始平復置醴泉則縣已自武

德時置矣又有云貞觀十年復置者蓋以雲陽咸陽其境

與

光宅元年分置奉天縣

元和郡縣志云奉天縣光宅元年割醴泉等縣置

劉昫唐書云奉天文明元年以管乾陵分醴泉置

驛昌按文明元年九月則武后光宅元年也奉天今乾州唐

初亦為醴泉境

星衍又按元史地理志曰唐改醴泉為奉天改當三分

天授元年屬京兆郡二年屬鼎州

劉昫唐書云天授元年改雍州為京兆郡其年復舊二年分

醴泉等縣置鼎州今本詳誤

太平寰宇記云天授二年以雲陽置鼎州以醴泉等縣屬

長安志云醴泉縣天授元年隸鼎州

驤昌按長安志作元年元當為二字之誤也

久視元年還屬雍州

太平寰宇記云鼎州久視元年廢州縣仍隸府

長安志云醴泉縣大足元年還隸雍州

驤昌按樂史云隸府當云隸雍州

開元元年屬京兆府

劉昫唐書云開元元年改雍州為京兆府

廣德元年升為赤縣

唐會要開內道新升赤縣醴泉縣廣德元年五月一日升

長安志云醴泉縣廣德元年升為赤縣

元和中為次赤縣

元和郡縣志云醴泉縣次赤

新唐書地理志同

乾寧中單王出鎮以縣屬尋復舊

太平寰宇記云乾州乾寧中以單王出鎮建為威勝軍割醴

泉等縣以隸焉

長安志云乾寧二年置乾州及單王出鎮又以畿內醴泉等

縣隸之尋復舊

乘屬威勝軍

長安志云乾州梁乾化中升為威勝軍析醴泉等縣以隸焉

後唐同光二年還京兆府

太平寰宇記云莊宗同光年中醴泉縣還京兆府

長安志云後唐同光二年其武功醴泉二縣還京兆府

晉漢周仍屬京兆府

太平寰宇記云京兆府晉天福中改為晉昌軍漢乾祐初改

為永興軍其京兆府仍舊

五代史職方考云云同又曰周因之

宋因之為次畿縣

太平寰宇記云醴泉京兆府縣

長安志云本朝京兆府有醴泉又云醴泉縣今次畿

政和八年屬醴州

宋史地理志醴州縣有醴泉云本屬京兆府政和八年三月

割屬醴州

金屬乾州

金史地理志乾州縣有醴泉云宋嘗改為醴州天德三年復

元因之為下縣

元史地理志乾州縣有醴泉下又云至元五年復置奉天後

又改奉天為醴泉

明初隸乾州後直隸西安府為沖頰縣中

明圖經乾州縣有醴泉沖頰中

明史地理志西安府縣有醴泉云元屬乾州嘉靖三十八年

十一月改屬府

舊志云醴泉縣洪武中屬西安府乾州嘉靖三十八年巡茶御史梁汝魁奏改直隸西安府

國朝因之爲簡縣衙

驛昌按太平寰宇記長安志載此縣沿革互有詳略舊志尤多謬舛此據史志諸書考定不襲舊文較無疏漏也

漢谷口城在縣東北七十里

通典云醴泉縣漢谷口故城在今縣北

章懷太子賢後漢書注云谷口縣故城今醴泉縣東北四十里

太平寰宇記云醴泉縣谷口城漢城也今在縣東北四十里古城也屬左馮翊溝洫志田於何所池陽谷口卽此城也

李好文長安圖說云醴泉本漢谷口縣治所在涇水西其東

北境則入雲陽涇陽

舊志云谷口故城在舊縣東北四十里今縣東北七十里漢

故址尚存

溫宿故城在縣北十里

昭陵圖有古縣在甘北鎮西

舊志云古縣城在縣北十里

唐故城卽仲橋城在縣東北十里宋初同

元和郡縣志云醴泉縣東南至府一百二十里

太平寰宇記云醴泉縣京兆府西北一百二十里其城卽古

仲橋城也

李好文長安圖說云昭陵在今醴泉縣北五十里唐陵圖記

云在縣東三十里蓋指舊醴泉縣而言之

昭陵圖云唐醴泉縣今甘北鎮

續志云前志載縣三徙一徙則甘北鎮是陵圖記云在縣東三十里今鎮適當其地

星行按太平寰宇記道理同唐治長安志則治移于東矣唐新時甘泉二縣故城當在縣境舊志皆不載今無考

宋元故城在縣東三十里

長安志云醴泉縣東南至府九十里縣境東西六十二里南北一百二里又曰縣城周二里餘一百步

李好文長安圖說云昭陵在今醴泉縣北五十里齊陵圖記云在縣東三十里蓋指舊醴泉縣而言之

周恕增修醴泉縣志云醴泉縣距府治百里

舊志云舊城在縣東三十里址尚存

續志云縣治再徙則宋之舊縣卽城是也游師雄圖石馬于

縣西門外今在舊縣卽

今治在府西北一百二十里東西一百二里南北六十二里治

凡十有八里東至涇陽九十里西至乾州四十里南至興平四

十里北至淳化一百一十里東南至咸陽七十里西南至武功

九十里東北至三原一百一十里西北至永壽一百一十里東

至涇陽界五十八里西至乾州界五里南至興平界二十里

北至淳化界八十里東南至興平界三十里西南至武功界七

十里東北至涇陽界五十里西北至永壽界六十里

城元末樞密院副也先速迭兒築初作土城高二丈五尺東西

二百二十五步南北二百五步周一里東朝陽門西沐光門南

景化門北拱宸門陞深一丈三尺明洪武二年自舊縣徙治此

成化四年知縣撤後萬歷四年知縣姚燭俱增築始有城樓敵臺

國朝乾隆十四年七月知縣宮燿亮領帑修築凡周九里三分五門東曰陽和門西內曰西城門外曰永安門南內曰南薰門外曰迎恩門北永定門西北內曰遠馭門外曰永平門東西南三方外城六里高二丈八尺四門東挹涇門西接武門南向平門北坐乾門墜深二丈闊四尺

署宋縣署在舊縣城有戒石亭有麗譙樓延祐間知縣事嚴承直增修今縣署在城內近南明洪武二年縣丞楚玘因元末兵圯徙此正統四年知縣胡璉重修

國朝乾隆三十九年知縣金兆琦復修大堂三間二堂三間東庫一間西庫一間東吏房西吏房各三間架閣房八間儀門三間角門二座土地祠三間西獄一所女監一間知縣宅在堂後

寅齋館在堂東鐘樓在東南今日文星樓
縣丞署今廢

典史署在縣堂西

教諭署在儒學明倫堂東

訓導署二各在儒學明倫堂東西

舊開內道在縣治西舊志云無考

舊稅使局在舊縣西見昭陵圖

察院在縣治南明初建

國朝康熙十七年知縣吳文敏修

布政行司在縣治東南新城內明正統九年知縣胡璉建今廢

按察行司在縣治東舊城內明洪武九年知縣許友建今廢

稅課司在舊縣西北明洪武四年建今廢

僧會司在文明寺舊在保安寺

街城隍廟東西一道文廟南北一道舊鼓樓南南北一道丁字街南北一道後巷南北一道

坊澄清坊在縣左宣化坊在縣右康熙三十八年知縣袁陳佩重建

父母斯民坊在縣南保障坊在縣北迎恩坊在縣東南阜民坊在縣西北

廢坊喬梓聯芳坊宏治己酉舉人袁澤宸楮建

亞元坊宏治王子舉人王珂建

文鳴坊正德庚午舉人陳情建

父子聯芳坊舉人韓俊韓延學建

卿進士坊嘉靖癸卯舉人朱价建

繡衣坊御史袁澤建

僉憲坊僉事王錦建

孝子坊二張璉王大秩建

恩榮坊三宏治庚戌進士王錦嘉靖己丑進士張濟甲辰進士韓朝江建

天官大夫坊吏部中韓朝江建

亞魁坊二成化庚子舉人高璉解經建

龍錫遺源坊恩隆式穀坊俱徽州府同知郭玉柱為生嗣父母建

騰蛟坊宣德己酉舉人韓哲建

起鳳坊成化庚子舉人郭嵩建

雲梯坊天順壬子舉人朱敬建

攀桂坊成化乙酉舉人王聰建

世科坊成化丁酉舉人韓俊建

冲霄坊宏治己酉舉人張隆建

附鳳坊宏治壬子舉人王睿建

龍門躍浪坊宏治戊午舉人靳魯建凡二十九坊今俱廢

橋香仲橋在縣北城外明嘉靖元年知縣焦端又建十三年知

縣劉佐修

國朝乾隆三十八年知縣金兆琦典史續五美勸捐重修

晉書劉曜載記劉九自上邽趨長安軍于仲橋

胡三省通鑑注曰鄭國渠經仲山渠上有橋謂之仲橋在九

峻山之東

續志云通鑑注云云其近于漢谷口舊城可知前志載今縣

城北門外誤

星衍按太平寰宇記謂其時縣城即古仲橋城考宋初尚仍

唐治唐舊縣在今縣北則仲橋亦當以縣北為是樂史在胡

三省之前可信也今從舊志

聖乾橋舊在城門之北明嘉靖二十四年地震圯後移城門西

北知縣沈夢斗修築

國朝康熙九年知縣郭廷秀重修

洪濟橋在地道渡口縣人呂高諸姓同建二月徹渡設渡夫一

名

承順橋在南嶺頭乾隆十四年縣民李二唐率眾同建

園橋澤園在縣城外東南隅一在縣城西北門外天啓甲子知

縣梁一測立碑

驛唐驛在舊縣西門內

長安志醴泉縣醴泉驛在西門內東南至咸陽驛四十五里

西北至乾州奉天驛七十里今廢

劉書顧景卿傳景卿令參軍馮度翟萬德等殺欽奏賊將何

子軍自東都來趙郡度萬德伏兵于醴泉驛千軍至又擒之

今縣醴泉驛在縣城內舊曰店張驛在縣東三里屬與平有驛

丞乾隆十九年陝西巡撫陳宏謀奏准與平縣屬店張驛裁歸

醴泉縣經營移驛縣城內東至咸陽七十里西至乾州四十里

廢驛丞

右縣屬章終

鄉屬第二

漢鄉

郭鄉

說文解字云郭左馮翊谷口鄉从邑年聲讀若郭

星衍按今縣東四十里有阡東鎮阡郭聲形俱相近疑即是

唐鄉十六

白鹿鄉

長樂鄉

瑤臺鄉

修文鄉

太平寰宇記云醴泉縣舊十六鄉

長安志云醴泉縣唐十六鄉有白鹿長樂瑤臺修文四鄉餘

不傳

興昌按長安志又云昭陵在九嶷山曰鹿長樂瑤臺三鄉界古遼蒲邨則此三鄉當在縣東北四十許里也又曰瑤臺寺在縣西北昭陵之西則鄉之所以名與

宋鄉六

太字寰宇記云醴泉縣今六鄉

長安志云醴泉縣六鄉管二百五十邨

美華鄉

長安志云美華鄉在郭下管邨四十四

通時鄉

長安志云通時鄉在縣西北六里管邨二十四

新望鄉

長安志云新望鄉在縣西一十二里管邨三十

崇孝鄉

長安志云崇孝鄉在縣西北三十里管邨四十四

神安鄉

長安志云神安鄉在舊縣西北三十里管邨五十四

白涇鄉

長安志云白涇鄉在縣北五十里管邨四十九

舊鄉三領十八里

十孝鄉管六里在廓一夏侯二泔北三忠信四龍泉五坊廂六四義鄉管六里保勝一安樂二清平三路井四舊縣五保定六六仲鄉管六里龍堂一豐閏二彭澤三石鼓四清化五仁義六舊志云舊制鄉領里今俱不相統領而鄉名亦廢矣

今里十領二百三十九邨

在廓里在城外西北管十一邨小韓邨在縣南三里王上邨在縣南十里南嶺頭邨在縣北六十里大韓邨在縣南五里泔河邨在縣北十里皇甫邨在縣北三里南雄邨在縣南六里儀門寺邨在縣東十五里底趙邨在縣東五十里

夏侯里在縣西北二十里管十二邨夏侯邨在縣北二十五里甯頭邨在縣北十五里侯家邨在縣北二十里上石邨在縣北十五里底石邨在縣北十里刀陳邨在縣北三十里凹底邨在縣東二十里岐石邨在縣北十里夏陽邨在縣北五里上生邨在縣北三里南張邨在縣西北三十里滾邨在縣西北二十五里

泔北里在縣北四十里管十邨故縣邨在縣東北十五里坡裏邨在縣正北十五里盧家邨在縣北十五里北家邨在縣東北

五十里泔河岸邨在縣正北十里索邨邨在縣東北十五里細苟邨在縣東北十里圪尖邨在縣北十五里崔坡邨在縣東六十里小董邨在縣東北二十里

忠信里在縣北五十里管一十二邨角川邨在縣北四十里南邨在縣北四十里忠信邨在縣北四十里五井邨在縣北三十里北舍邨在縣北三十里王家莊邨在縣北四十里水平里邨在縣北三十里米倉邨在縣北四十里南北豆盧邨在縣北四十里上東邨在縣北五十里石泉邨在縣北四十里其項邨在縣北三十里

龍泉里在縣北五十里管一十六邨馬塚邨在縣北七十里叱干邨在縣北六十里嵐嶺邨在縣北五十里曹邨在縣北六十里店頭邨在縣東北三十五里東莊邨在縣東北六十里良邨

在縣東北三十五里坡北嶺邨亦在縣東北三十五里雷永邨
 在縣北二十五里龍泉邨在縣東北五十里谷南邨在縣東北
 四十里象虎邨在縣東北八十里隱都邨在縣北九十里岳塞
 邨在縣北七十里匡東邨在縣北四十里上塞縣邨在縣北六
 十里
 坊廂里在縣西南四十里管八邨西店頭邨在縣北三十里莊
 頭邨在縣南二里王官邨在縣南五里南扶邨在縣南五里大
 張邨在縣南十里西皇南邨在縣北五里朱陳邨在縣南十里
 地窯兒邨在縣南十五里
 保勝里在縣東南三十里管十二邨金家溝邨在縣東北三里
 關集邨在縣東北十里胡王邨在縣南十里張邨在縣東二里
 王店邨在縣東十里陳定邨在縣南二十五里小陳邨在縣南
 十五里三陳邨在縣南二十里新時坊邨在縣南十五里水車
 白家邨在縣南十里禮迎邨在縣東十里湫池廟邨在縣東十
 五里
 清平里在縣西南四十里管十二邨傅家莊邨在縣南四十里
 紀邨在縣南三十里雲里坊邨在縣西南十五里李郁邨在縣
 西南十五里王儉邨在縣南二十里史得邨在縣南二十五里
 干邨在縣南二十里薛邨在縣南二十里張丹邨在縣南三十
 里王通邨在縣南三十里四裏黃家邨在縣南十五里張子邨
 在縣西南十五里
 安樂里在縣東南三十里管十一邨東阜邨在縣東南十三里
 西阜邨在縣東南十里石家邨在縣東南二十里阿爾邨在縣
 東南二十五里功臣邨在縣東南二十五里張神邨在縣東南

十五里尹家邨在縣東南十三里大冊邨在縣南十五里阿
 邨在縣南二十里安樂寺邨在縣東南十五里小冊邨在縣南
 十五里
 路井里在縣東北三十里管十邨路井邨在縣東二十五里康
 邨在縣東二十里師邨在縣東十五里馬李邨在縣東二十里
 晏邨在縣東二十五里閻邨在縣東二十里金家寨邨在縣東
 二十五里楊范邨在縣東二十里石匠齊家邨在縣東二十里
 北莊裏邨在縣東四十里
 舊縣里在縣東二十里管十邨北底趙邨在縣東二十里舊縣
 邨在縣東三十五里王禹邨在縣東四十里朱蒙邨在縣東三
 十里傅官寨邨在縣東三十里東吳邨在縣東三十里小池邨
 在縣東三十五里王堡邨在縣東二十里南故縣邨在縣東四
 十里東紀邨在縣南四十里
 保定里在縣北五十里管十七邨北坊邨在縣北六十里黃邨
 在縣北六十里小牌邨在縣北八十里東牌邨在縣北七十里
 胡家嶺邨在縣北八十里大牌邨在縣北八十里樊家邨在縣
 北七十里北牌邨在縣北八十里馬家邨在縣北八十里全家
 河邨在縣北八十里莊裏邨在縣北七十里葛邨在縣北七十
 里五十戶邨在縣北七十里南牌邨在縣北七十里中黃邨在
 縣北七十里瑤趙邨在縣北三十里店子頭邨在縣北八十里
 龍堂里在縣東北三十里管十三邨流東邨在縣東北二十五
 里堯都邨在縣東北二十里趙邨在縣東北二十里坡底邨在
 縣東三十里莊河邨在縣東北二十里吳邨在縣東北二十里
 堡里邨在縣東二十里烟霞洞邨在縣東北五十里官廳邨在

縣東北二十里新寨邨在縣東北二里老君管邨在縣東三十里劉長官寨邨在縣東北十五里楊邨在縣東北十五里石鼓里在縣東三十里管八邨張家河邨在縣東三十里灣過里邨在縣東北三十里小趙邨在縣東三十里下古邨在縣東北二十五里土洞邨在縣東北三十里茨林邨在縣東南二十里穆家寨邨在縣南二十里木匠劉家邨在縣東三十五里豐園里在縣東三十里管九邨西屯邨在縣東二十五里崖底邨在縣東三十里將軍邨在縣東二十里南屯邨在縣東二十里北屯邨在縣東三十五里陶堡邨在縣東四十里盧家河邨在縣東三十里趙家厓邨在縣東三十里范寨邨在縣東北六十里
 彭澤里在縣東二十里管十邨丹東邨在縣東四十里西張邨在縣東三十里便子邨在縣東北四十五里白邨在縣東北三十里鄒邨在縣東四十里寺東邨在縣東四十里寺西邨在縣東四十里小應邨在縣東四十里提葛邨在縣東三十五里草地裏馬家邨在縣東四十里
 清化里在縣東南三十里管九邨王相邨在縣東四十里薄太后邨在縣東四十里草灘寨邨在縣東四十里力士邨在縣東南三十里白鑿宮邨在縣東四十里魏邨灣在縣東北五十里安家莊邨在縣東四十里牧鹿灣邨在縣東北五十里張石邨在縣東四十里
 仁義里在縣東北四十里管十二邨南石坡邨在縣東二十里接骨邨在縣東三十里船頭邨在縣東北四十里裴旗寨邨在縣東十里大陽邨在縣東北四十里家高家寨邨在縣東北

五十里王家寨邨在縣東北五十里灣裏王家邨在縣東北四十里馬家樓下邨在縣東北四十里上古邨在縣東南三十里仁義屈家邨在縣東北五十里灣裏高家邨在縣東北五十里舊志云永安長慶寧普慶以上三里併於各里今廢
 五衛五衛更名錄縣不久今有與里民雜居不復備載其家居者
 前衛段家崖在縣東二十里周家寨在縣東南三十里金家寨在縣東十八里大漢邨在縣南十里陳迪邨在縣南三十里大張邨在縣西南十五里鴉鴿寨在縣南十里
 中衛皮旗寨在縣東十里穆家寨在縣南二十里小河寨在縣北十里安家莊在縣東三十五里蘇旗寨在縣北十里馬旗寨在縣東北二十八里
 後衛一旂武邨寨在縣東北五十里王店寨在縣東南十里陶潛堡邨在縣東六十里新寨在縣東北二十五里老軍營在縣東北三十五里
 後衛二旂大范邨在縣南三十里付官寨在縣東南二十里上寨在縣東南二十里劉旂寨在縣東北二十里胡家寨在縣東北二十五里黃甫邨薛家寨在縣北五里
 後衛三旂楊官寨在縣東北十三里翁官寨在縣東北八里章灘在縣東三十五里白旂寨在縣東南三十五里西翁官寨在縣西北五里後寨在縣東北二十五里前寨在縣東北二十里更名
 王田留邨在縣東三十里土洞在縣東三十里小應邨在縣東四十里花兒寨在縣東南四十五里白邨在縣東三十里張旂寨在縣東南三里吳邨在縣東南三十里

籽粒即以別賦韓家窩牧鹿灣牛舌嘴天橋兒青山城野狐嶺便

子嶺鳳凰山下皆在昭陵左右縣東北四五十里不等

鎮九

宋醴泉鎮

長安志云醴泉縣醴泉鎮在縣城內

宋北醴泉鎮

長安志云醴泉縣北醴泉鎮在縣東

金泔北鎮在縣東北十里

金史地理志云乾州鎮一泔北

叱干鎮在縣北四十里

石鼓趙都鎮在縣東北二十里

永興鎮在縣東五十里即序東都

醴泉縣志卷一

坡北鎮鎮在縣北四十里

南屯鎮在縣東五十里

北屯鎮在縣東五十里

渡四

宋涇泔渡在縣東五十里

長安志云醴泉縣涇泔渡在縣東北三十里

宋石光渡在縣東五十五里

長安志云醴泉縣石光渡在縣東北三十五里

劉醫家渡在縣北六十里

地道渡在縣東北五十里又名遞道又名狄道

右鄉屬章終

醴泉縣志卷一終

醴泉縣志卷一